

SCRIPT OF MORNING GOJRI NEWS BULLETIN 10FEB 2025 1015HRS

مارننگ گو جری نیوز بولٹن 10 فروری 2025

یوہ آکاشوانی جموں بے محبوب سلطانی تیں خیر سنو۔

PARIKSHA PE CHARCHA

وزیر اعظم نریندر مودی بکھ بکھ پلیٹ فارم بشمول دور درشن ور آج ۱۱ بجے اپنا مشہور گل باتی پروگرام پریکشہ ور چرچا گا ۸ ماہہ شمارہ ور پورا ملک گا طلباء سنگ گل بات کرے گا۔ اس دوران وزیر اعظم طلباء استاداں تے والدین سنگ امتحان کی تیاری دباو توں نمژن تے ذاتی ترقی ور قیمتی مشورہ دے گا۔ یوہ پروگرام آکاشوانی دور درشن سویم پربھا وزیر اعظم دفتر گا یوٹیوب چینل تے تعلیم تے اطلاعات و نشریات وزارتیں گا سماجی میڈیا چینلاں ور براہ راست نشر کیو جے گو۔

PM FRANCE

وزیر اعظم نریندر مودی آج دوپہر توں بعد فرانس تے امریکہ گا اک تاریخی سفارتی دورہ ور روانہ وے گا جس گو مقصد دواں ملکاں سنگ اقتصادی تے تکنیکی شراکت داری ناہہ مضبوط بنانو بے اس دورہ غے دوران فرانس ماہہ وزیر اعظم فرانس کا صدر ایمانیول میکراں سنگ پلک مصنوعی زبانت ایکشن سمٹ کی مشترکہ صدارت کرے گا جناب مودی اہم دو طرفہ معاملات ور گل بات وی کرے گا تے مسارشل ماہہ بھارت گا نوا کونسل خانہ گو افتتاح وی کرے گا۔ اس اجلاس ماہہ ۰۱ تو متا ملکاں گا نمائندہ اعلیٰ محققین کاروباری رہنما تے سول سوسائٹی کا ممبر شرکت کرے گا جہیزا مصنوعی زبانت یعنی اے آئی کی طرز حکمرانی معشیت تے بنیادی حقوق ور اثر بارے گل بات کرے گا بھارت اس اجلاس ماہہ بحیثیت دوجو صدارتی ملک گے طور ور اہم کردار ادا کرے گو۔ تے مصنوعی زبانت کی ترقی اس کی دستیابی تے جدت ور زور پاوے گو۔

LG YOUTH

لیفٹیننٹ گورنر منوج سنہا نے کہیو بے جے نوجوان مہاری سب توں بڑی دولت تے طاقت ہیں تے انہاں نے معاشی ترقی تے سماجی تبدیلی کی قیادت کرنی چاہیے۔ انہاں نے اس گل گو اظہار آگرہ ماہہ آل انڈیا گالو پوارا تیباگی بر ہمن مہاسبھا کی ۶۴ وی قومی کنونشن سنگ خطاب گے دوران کیو اپنا خطاب گے دوران لیفٹیننٹ گورنر نے نوجواناں ور زور پاتو ماہہ کیو جے وے حکومت تے معاشرہ بشکار اک پل گو کردار ادا کرے۔ اُن گو مزید کہنو تھو جے نوجواناں ناہہ اقتصادی ترقی ماہہ اہم کردار ادا کرن گے نال نال پسماندہ طبقاں گے فلاحیہ بود بارے کم کرنو چاہیے۔ ایل جی موصوف نے ثقافتی ورثہ گا تحفظ تعلیمی اصلاحات تے قوم کی تعمیر ماہہ خواتین کی شمولیت ور وی زور پایو آزادی واسطے اپنی جاناں کی قربانی دین آلا ناہہ خراج تحسین پیش کرتا ماہہ انہاں نے مستقبل ماہہ پیش آن دقتاں گا نمیزاں تے مضبوط بھارت واسطے آپسی پھائی چارہ ناہہ فروغ دین کی ضرورت ور زور وی پایو۔

RANA RALLY

جنگلات جل شکتی تے قبائلی امور بارے وزیر جاوید احمد رانا نے برابری انساناں تے ہمدردی کی اہمیت ناہہ آجاگر کرتا ماہہ لوکاں ور زور پایو جے وی اک پرامن تے ہم آہنگ معاشرہ ناہہ بنان بارے کم کرے انہاں نے اس گل گو اظہار جموں گا کبیرنگر ماہہ گورو داس سبھا کی طرفوں منعقد کی گئی مہاریلی سنگ خطاب گے دوران کیو اپنا خطاب گے دوران جناب جاوید رانا نے عوام ناہہ کیو جے تعمیر واسطے مل گے کم کرے انہاں نے لوکاں ناہہ کہیو جے وے معاشرہ ماہہ اک جٹ ہوں گے کم کرے تانجے برابری کا اصولاں ناہہ یقینی بنایو جاسکے۔ وزیر موصوف نے سماجی مسائل کا حل ماہہ اجتماعی کوششاں کی اہمیت ناہہ آجاگر کیو تے محبت اتحاد انسانیت کی بے لوٹ خدمت ناہہ فروغ دین غی جرورت ور زور پویو۔

WATERSHED YATRA

ضلع ڈوڈھہ کی ہلاک بلہ کی پنچایت بیرارو ماہہ پانی کا تحفظ تے پانیداری زراعت ور نوی توجہ دیتا ماہہ دیہہ ترقی تے پنچانٹی راج محکمہ گے زیر اہتمام مربوط واٹر شیڈ منیجمنٹ پروگرام آئی ڈبلیو ایم پی غے تحت

واٹر شیڈ یا ترا مہیم ۲ ہزار ۵۲ گو انعقاد کیو گیو اس مہیم نانہ شروع کرتا مانہ ڈی ڈی سی چنیرمین دننتر سنگھ کوتوال نے واٹر منیجمنٹ شیڈ کی اہمیت نانہ اُجاگر کرتا مانہ کیو جے اس سنگ گرایاں مانہ کھیتی باڑی کی پیداوار مانہ بادھو وے گو تے دبہ زورگار نانہ وی بہتر کیو جاسکے گو اس دوران ماہرین نے مقامی لوکاں نانہ بارش گا پانی نانہ اکٹھو کرن گو نظام متی گا تحفظ تے جدید آبپاشی گا طریقاں بارے جانکاری دتی اس تقریب گو اختتام اک گل بات اجلاس تے شجرکاری مہیم سنگ بویو جس سنگ ماحولیاتی تحفظ گا عزم نانہ مزید مضبوط کیو گیو۔

ANNOUNCEMENT

علاقائی خبراں آلو شعبو آکاشوانی جموں کی طرفوں ضلع کٹھوعہ واسطے عارضی نامہ نگاراں یعنی پی ٹی سی گو پینل بنان غی خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہرا ضلع کٹھوعہ غا پسینک وین تے اُن غی عمر غی حد ۴۲ براں تیں ۰۵ براں توڑی مقرر کی گئی ہے۔ پی ٹی سی غی اس پوسٹ واسطے تعلیمی قابلیت پی جی ڈپلومو یاہ صحافت غا شعبہ مانہ ڈگری یاہ فر کسے وی تسلیم شدہ یونیورسٹی تیں گرجیشن غے ہمراہ ۲ براں غو صحافت مانہ تجربو مقرر کی گئی ہے۔ اس توں علاوہ کمپیوٹر تے وڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی ضروری رکھیو گیو ہے عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے وے ضلع صدر دفتر کٹھوعہ یاہ اس تیں ۰۱ کلو میٹر غا دائیرہ غے اندر رہائش پزیر وے۔ اس سلسلہ مانہ درخواست غی باڈ کاپی ضروری دستاویزات غے ہمراہ بیڈ ریجنل نیوز یونٹ آکاشوانی پنچترتھی جموں مانہ بزات خودد آئیندہ ۵۱ فروری توڑی دینی ویگی۔ اس بارے ور دستیاب ہے۔ www.newsonair.gov.in مزید جانکاری ویب سائٹ

ADDG RDD

اڈیشنل ضلع ترقیات کمشنر اے ڈی ڈی سی ڈاکٹر ارج کمار تھاپا نے دیہی ترقیاتی محکمہ گا افسران کی اک جائیزہ میٹنگ غی صدارت کی جس مانہ سندربنی سیری کا لاکوٹ سیوٹ نوشہرہ تے موگلا بلاک گا افسر موجود تھا۔ اس میٹنگ گو مقصد حکومت کی سکیمیاں غے تحت اہم منصوباں بشمول پردھان منتری آواس یوجنا گے تحت گھربنان آلو گوسروے نانہ تیزی سنگ پورو کرن بارے جائیزو لینو تھو۔ ڈاکٹر تھاپا نے منریگا غے تحت چل رہا کم کاج نانہ تاولے پورو کرن تے شفافیت نانہ یقینی بنان ور زور پایو۔ اس میٹنگ مانہ اہم افسران بشمول اے ڈی سی سندربنی تے ضلعی شماریاتی جائیزو افسر وی موجود تھا۔
